



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ლიგუსტიკუმი

ლიგუსტიკუმი, არაფის ლიგუსტიკუმი (*Ligusticum arafae* Albov), მრავალწლოვანი ბალახოვანი მცენარე ქოლგოსანთა ოჯახიდან (Umbelliferae). კავკასიის იშვიათი ენდემური რელიქტური სახეობაა. საქართველოში მხოლოდ ჩრდ. აფხაზეთში (ბზიფის ქედი) გვხვდება, საქართველოს გარეთ – ჩრდ.-დას. კავკასიაში. იზრდება ზ. დ., 1600-2100 მ სიმაღლეზე ტყის ზედა და სუბალპურ სარტყლებში – კირქვიანებზე, ტყის პირას, მდელოებსა და მაღალბალახულში. გვხვდება პატარ-პატარა ჯგუფებად. მრავლდება თესლით. აფხაზეთში ამ მცენარის სურნელოვან ფესვურებს ადგილ. მოსახლეობა იყენებს თამბაქოს არომატიზაციისათვის. შეტანილია საქართველოს წითელ ნუსხაში.
